



光緒鳳縣志

(清)

朱子春
段澍霖
纂修



本書十卷首一卷，據清光緒十八年（一八九二）刻本影印。

鳳縣志序

政事之因革與風俗之隆污歷久遞變不可窮狀勵據前代之紀載以論目前之情形鮮不外謬而無當也我

朝累洽重熙禮明樂備凡職方官制郡縣營戍屯堡貢賦諸大政皆折衷於會典子春治鳳之四年適會典館咨取各郡縣輿

圖志乘而鳳縣迄無以應竊惟山城僻陋民氣彫耗既少學人以共參稽又無圖書以資考據率爾操觚如固陋何因其難而遂置風俗於不問任政典之廢墜是又因循之爲患也余不敢諱固陋之實而竊欲避因循之名爰奉前漢中太守嚴公樂園

鳳縣志

序

府志以爲準式其同治以前事迹則取前知縣事郭豫軒抄本而增損之適華州段靜丞官斯縣訓導邀共考訂繁者刪之逸者補之略者言之不涉於風化綱紀者去之謬傳影射者刊之問有搜羅未及姑付闕文蓋輯修之役不及今時日久廢湮不可收拾書成若干卷聊備採擇文不雅馴所弗計也抑余更有欣慰焉者每於周歷四鄉訪問諳俗其士雖奔陋而皆知禮讓其民雖瘠苦而皆崇質直貧者力穡而不廢先疇富者儉約而不趨浮靡彼此交接純樸不欺偶訟公庭曉譬數言而事遂息同治初鄉團禦寇力保孤城愚婦愚夫殉難若素漢南習尚淳

薄而此邑獨純龐若是亦異矣惟是地力瘠薄代田而耕終歲所收不足以償動動鄉村僻遠士少觀摩粗習儒業亦不能瞻其身家余既憫其苦而又悲其陋也古者天子省方巡守命太史陳詩以觀民風周官訓方氏掌道四方之政事與其上下之志漢丞相張禹使屬潁川朱贛條天下風俗班固氏因之作地理志於民質良樸俗尙貞澹尤三致意焉風俗者政事所緣爲因革如醫者診其病由而後施其方藥也風俗誠美民氣誠固雖瘠苦之區涵濡孕育轉移良易倘進而章志貞教益興起夫人才躋風隆古有司之責也余蓋有志焉而未之逮也

鳳縣志

序

二

光緒十八年壬辰仲夏知鳳縣事武昌朱子春香晚撰

郭抄本序

鳳縣古鳳州地爲秦蜀往來衝道山川險隘土地磽瘠其民五方流寓土著者少官斯邑者應接煩勞案牘叢集縣志一書從無刊本豫軒郭公來宰斯邑振厲精神期於有爲乃逾年而兵燹發生修纂集團爲戰守備鄰邑不守一城獨完士頌其功民歌其德蒞任既久政成民和聽訟之暇搜得舊有抄本縣志見其繁冗遺漏未足觀美因慨然曰縣志之修顧不重哉紀地理之險阻辨土物之生植與夫忠孝遺澤節烈感發所以驗風俗察吏治皆於是乎在闕焉弗講可乎爰商之步衢許公許公豫

鳳縣志

序

三

之唯陽人也家世書香曾辦團於其鄉因不得志於當道西遊秦隴道出鳳邑郭公奇其才禮而賓之公亦以老而倦於遊遂安焉他日謂許公曰斯志之修非步衢莫與屬也公亦喜其事之如自己出也於是取舊志之繁者刪之闕者補之舉凡邑之疆域山水風土人材瞭如指掌至於勦防一事附錄於冊者因郭公有功於是邑民至今樂稱道其事且邑人辦團得力殉節亦多錄其事以示安樂之中毋忘患難也書成問序於予不揣固陋弁諸簡首幸荒陋之區得二君而生色聲名文物由是蔚然而興焉庶不負斯志之修也夫鎬京田澍雨亭氏序

舊序

夫邑之有志猶國之有史也自國都以迄各郡邑莫不有志一覽而分野疆域人物昭然在目吾邑雖屬山巖實古鳳州其人物雖微其土產雖薄其風俗雖陋抑豈無可取而志之者哉嘗讀他書而知其歷代流寓仙釋關梁人物亦不爲少而今多揜隱而莫彰者其故何也蓋邑路當衝要地接秦蜀漢迄今屢爲爭戰通衢吾邑聚族而居問其先世皆係流寓從無歷世最久者故文獻亦遂缺如也數年來稽之於史書考之於郡志參之於他邑而終莫能悉深以爲憂突於丙戌初夏得其本於國安

鳳縣志

序

四

寺黎君之家始見其分野山川仙釋流寓人物關梁祠廟土產之實是其幸也但本中抄錄錯綜簡略誠非小疵姑理其緒而集之以待高明者參考焉道光六年歲次丙戌夏六月中泮邑庠生陳韶撰

詔鳳籍住城東
小路車到河

鳳縣志例言

鳳縣舊志無存郭豫軒氏輯有抄本子春何敢意為增減然近時搜輯較舊為詳其體例多本之府志并參他志之允當者而規仿之與原本不無異同為總目十曰地理曰建置曰賦役曰典祀曰官師曰武備曰人物曰風俗曰紀事曰藝文其門類瑣細者并入總目以子目分屬之序次如左

郡縣志首重地理志地理者以輿圖為要府志首列星野舊志引入殊嫌牽誤開章之初不敢刪削惟輿圖則仿晉裴秀氏之法計里畫方又皆以虛空鳥道圖之分率準望依會典館頒發

鳳縣志

例言

五

成式以此提綱則凡境內之幅輳道路形勝皆瞭如指掌矣志

地理第一

縣舊名鳳州最後改州為縣即今治城官廨率從樸陋而書院之膏火義學之脩金各有常款振興學校此其鐵基他如歷年建設有關政體者俱詳其興廢以備考證志建置第二

計墾定賦此通例也而鳳地石豐土瘠忽墾忽荒是以賦稅甚微倉儲亦少惟地當衝要差務殷繁一切留支地丁不敷其數尙藉領款津貼然維正之供不可忽也志田賦第三

祀典禮儀皆遵定制茲撮會典大要凡文廟位次社稷壇壝諸

祠祀以次簡及若夫郭集靈祠浮屠老子之宮律以陸氏靈壽志之例法當屏法顧習尙相沿已久難概從茲亦過而存之之義也志典祀第四

地名沿革歷代變易故職官之分屬亦多參差茲但據舊志錄登其近年湮沒籍貫無稽者不無闕略武功志據實直書官之賢否形諸褒貶茲不敢論斷者懼失實也志官師第五

鳳為秦蜀通衢雍梁要隘本戰爭必由之路亦盜賊易匿之區蓋山深路僻去治城有在數百里外者營汛分防最關邊要山民稀少時立鄉團以資守望而治匪弭盜或收其效志武備第

鳳縣志

例言

六

山民樸陋向少文人而質直好義忠孝發於至性輒為士大夫所不及國朝膺科舉者雖少而以愚夫婦之志節觀之雖詩書文物之邦不是過也志人物第七

鳳邑土著甚少客民較多論其健訟好賭箠匪往來間有漢南氣習然民力艱苦習尙質樸詞訟易斷無刁悍風與鳳翔府屬略似余喜其風近古而其民易治也志風俗第八

陝西通志不敘時事懼僭也然有

國史所不載而未便湮沒者苟從其實似無不合隋書經籍志

有秦漢舊事河南故事二書宋施宿會稽志有討賊平亂二篇
元張用鼎金陵新志別創通紀一門備紀古今大要志家多因
之且災祥之事通乎感應亦政事得失之林也志紀事第九
作志家或以藝文分附於各條之下不別立一門又或從目錄
家例止列書名撮其旨要以滌冗濫法誠善矣然詩文有無類
可附而實關掌故及風土利弊時事因革者必懸置之不可情
乎文物之邦著作嫌濫僅列書名以求核實若此地樸陋無華
而又益以簡質將古人陳詩觀風之說又何取焉志藝文第十
以上各類事蹟易與留壩牽混斷自乾隆間分轄之後山川境
鳳縣志 例言 七
地對分不載其前代事實凡在未分以前仍應敘入

新修鳳縣志銜名

監修

賜進士出身花翎吏部郎中分巡陝安兵備道 呂鍾三

賜進士出身花翎三品銜吏部郎中特授漢中府知府 劉子鉉

纂修

賜進士出身同知銜大計卓異特授鳳縣知縣 朱子春

協修

陝西庚午科舉人大挑二等鳳縣訓導 段樹霖

分輯

鳳縣志 卷一 銜名

花翎漢中鎮標中營遊擊署漢鳳營遊擊 王金錫

記名提督揚桑阿巴圖魯漢鳳營遊擊 劉正高

三岔驛丞兼巡檢事 宋庸植

草涼驛丞兼巡檢事 馮壽昌

鳳縣典史 高震

繪圖

三品銜花翎都司留壩營守備 趙植隆

分校

廩生 趙廷璧

廩	廩	廩	附	六品	歲貢	六品	武	鳳縣志	候	附	武	歲	附	廩	附	廩
生	生	生	生	按	署正	按	生	卷一	選	生	生	貢	生	生	生	生
李含芳	朱文敏	楊肯堂	白鍾嶽	知事	候選訓導	知事	監生	銜名	司照磨	胡景琰	龍春霖	葉承烈	張顯章	辛貴和	趙國棟	
				段鳳儀	龍國恩		康作周	二	張廣霖	李夢筆						

鳳縣志目錄	卷首	新序	郭序	舊序	例言	卷一	地理	建置	卷二	賦役	鳳縣志	卷四	典祀	卷五	官師	卷六	武備	卷七	人物	卷八
						輿圖	津梁	沿革	坊表	里甲	目錄	壇祀	民祀	展舊	典史	武職	武職	仕宦	義行	
						星野	棧道	城垣	驛傳	地畝		祠廟		知縣	驛丞	營制	營制	科目	列女	
						輻輳	關隘	衙署	鋪舍	戶口				訓導		塘汛	鄉團	忠節	流寓	
						道路	村集	學校	古迹	地丁								孝行		
						山川	水利	賓興	義學											

風俗 民風 物產

卷九

紀事 兵事 祥異
拾遺

卷十

藝文 文 詩

鳳縣志

目錄

二


地理志卷一



輿圖



鳳縣志



卷一 輿圖



縣境總圖 每方十五里















右城鄉圖經陝省輿圖局委紳測量所遺稿本復延平江趙
君子青依樣詳繪子青曾奉委修棧道往返數年熟悉此地
形勢而又工繪事故得以應手也

八縣志

卷一 輿圖

西

星野

星野之說漢中府舊志引周禮保章氏所言曰九州皆有分野
以觀妖祥而鄭注以井鬼屬雍州鳳縣在雍州之西南春秋元
命包曰東井鬼宿爲秦分周禮疏曰秦雍州分野東井居兩河
之陽自漢中東盡華陽與鶉火相接當地絡之東史記天官書
曰東井與鬼雍州之分漢書地理志曰自井十度至柳三度鶉
首之次乃秦之分晉天文志曰自井二十七度至鬼柳鶉火之
次屬秦分或曰自東井十六度至柳八度爲鶉首屬秦三分綜
斯數者鳳在漢北當雍梁之間則星在井鬼之分無惑矣志與

鳳縣志

卷一 地理

一


地者統云井鬼軫翼分野軫翼屬荊州實屬楚境鳳猶隔在漢
水之北相去遠矣李清風撰法象志以唐室州縣分配天文必
有確見其後州縣紛更但據山河而繫括之宜乎無定判也
按鳳屬漢中府禹貢爲梁州上值參宿九度府志以今時隸
陝西行省遂舉雍州之東井以當之裏城城固沔縣西鄉甯
羌谷志皆因其舊以漢志三統術而論鳳縣於漢爲武都郡
地武都屬東壁一度不惟非雍之井宿亦並非梁之參宿然
漢代武都之疆界又無可稽鳳縣明初屬鳳翔府證以雍之
分野較他邑獨爲近是附略於此

井宿圖



步天歌井入星列河
 鎮井通安兩河各二市
 北正天樞三星井上頭
 柳上橫列五諸侯上
 北河西積水欲夏積薪
 東畔是鉞下四星名水
 府水位東畔四星序四
 積橫列南河裏南河下
 頭是軍市軍市圍十
 三星中有一野雞粉
 孫子大人市下列各有
 兩星相拱立關邸三
 南河東邸下一狼光迷
 茸左畔尤像弩弧弓一
 矢橫射頑狼胸有個老
 人南極中春秋出來壽
 無窮

鬼宿圖



鬼四星冊方似木櫃中
 鬼央白者積尸氣鬼上
 四星是耀位天狗七星
 鬼下是外野六間柳星
 次天社六星弧東倚社
 東一星名天紀

鳳縣志

卷二 地理

二

幅員

牛堡扼其東鳳嶺障其西襄谷阻其南秦嶺限其北重巒疊障
 隱然蜀門重地 省志

廣二百二十里袤三百四十里東二百一十里至寶雞縣西一

百二十里至甘肅兩當縣 今至兩當南一百八十里至留壩縣

北四百里至秦州 府志

正東至官山梁一百八十里交寶雞界 郭抄本列為東南今依測量改正

正西至涼水泉五十五里交甘肅兩當界

正南至馴馬橋八十里交留壩界

正北至梧林子一百三十里交甘肅秦州界

東北至黃牛舖一百一十里交寶雞界 郭抄本列為正東今依測量改正

東南至木克嶺九十五里交留壩界

西南至 光華山一百八十里 交 留壩縣今查長坪有與

西北至康阜堡六十里交兩當界

道路

東北至黃牛堡一百一十里即今驛路詳棧道

正東進安河十五里蒿坪堡十五里馬鞍山十里龜崖寺十五

里河口 右踰鹽山梁達銀母寺左由陳家岔達車到河 俱僻路五里鹽山關十里安

河寺十五里唐溝門十里車到河之核桃塢沿河下卽孔冠子二十

里平墓十里白蟒寺十里進口關南行三十里卽留壩界東

南行三十里白雲上交寶雞通號川鎮下交留壩通西江口

山路險窄止可人行

正南八十五里至南星卽今驛路詳棧道

西南由留壩之南星進陳倉溝至分水嶺仍入縣境自縣城至

此已一百一十里又十五里三道河北行由五房塢出上小河西行由麻峪河達長

坪南行十里大石巖三十里箭河垭十五里開口市東南行出留壩

之廟臺南抵光華山西南行五里鐵爐川老林要隘四十五里火燒關二十

鳳縣志

卷一 地理

四

里二溝塢十五里土嶺子交沔縣

正西三十里方石鋪十里草店子五里馬嶺關十五里單河鋪

循故道河而下路稍平夷爲達兩當徽縣大道

按方石鋪爲縣境四達之路東來客商西達兩當徽縣出白

水江其北由秦州入境循小峪河而下至此南進何家溝出

留鳳關達漢中

方石鋪十五里何家溝十里酒奠梁十五里酒奠溝南行十里通留

關西行十五里東岔溝進溝通五房塢沿河下五里溫江寺

五里蜜蜂溝五里下小河三里藍家關交兩當山徑崎嶇難

行此境內西南小路然多由大路進陳倉溝

正北十里北山三十里龐家河二十五里唐藏北行五里曹家莊又十五里太

渠交兩當山徑崎嶇難行東北行十五里楊家庄十五里倒迴溝十五里

隘口五里梧林子交秦州路極險窄止可人行

按由白石鋪進馬蹄溝踰十八盤可達唐藏計山路七十里

又由黃牛鋪十里至清風寺三十里至隘口北通秦州西循

小峪河而下出方石鋪爲商販自秦州赴漢中之路

西北由方石鋪進小峪河東北行達唐藏隘口西北行抵康阜

堡去城六十里交兩當山徑崎嶇不通大道

鳳縣志

卷一 地理

五

村集

縣境向分六路度其地勢之鄰近各以鄉約分屬之住址零星

村莊殊少附居市集則煙戶較稠然治城以外無過六百戶者

山僻交易輒赴數十里以外俗所謂趕集也舉向立鄉約之各

地而全境可以賅矣

東大路 朝天嶺卽柳樹灘有上下嶺之分郝家山 王家臺 白家店

二五八 五星臺 草涼驛一四七集期紅花鋪三六九集期北星

一四七 黃牛鋪集在寶雞界龍王溝 清風寺先年有場今廢

東小路 蒿坪堡 馬鞍山 龜崖寺一四七集期下開口 上